



**KJU DOM ZA DJECU**  
BEZ RODITELJSKOG STARANJA SARAJEVO

## SAOPŠTENJE

### **Borba za život: Šestogodišnjem dječaku, štíćeniku našeg Doma, uspješno je transplatirana jetra**

Operativni zahvat, krajem septembra, uradio je stručni tim ljekara, iz Kliničkog bolničkog centra Zagreb. Nakon dva mjeseca oporavka i uz konstantni nadzor ljekara, dječak se vratio u Sarajevo.

Dječak je rođen 20. augusta 2012. godine, a rješenjem Službe socijalne zaštite Općine Novi Grad, u februaru naredne godine, smješten je u KJU Dom za djecu bez roditeljskog staranja Sarajevo. U Dom je primljen nakon otpusta sa Pedijatrijske klinike gdje je u prethodnom periodu bio hospitaliziran sa uspostavljenom dijagnozom Atresio biliaris extrahepatica, St.post Kasai op.

***- Sretni smo da je dječak dobro, i da nam se vratio nasmijan. Historija njegove bolesti datira još od njegovog rođenja, a uz različite dijagnoza doktora, nedostatak donatora jetre, operativni zahvat se odgađao godinama..., uloženi su maksimalni naponi da se ubrza kako bi sada sa zadovoljstvom i javnost bila upoznata o ovom već poznatom slučaju. Vjerovala sam u to da mi to možemo, da možemo pobijediti bolest. - kazala je Belma Ahmagić, direktorica KJU Dom za djecu bez roditeljskog staranja Sarajevo.***

- U Dom je primljen nakon otpusta sa Pedijatrijske klinike gdje je u prethodnom periodu bio hospitaliziran sa uspostavljenom dijagnozom Atresio biliaris extrahepatica, St.post Kasai op. Nakon toga, imajući u vidu njegovu zdravstveno stanje, posebne zahtjeve u vidu terapije, ishrane i njege, djetetu je posvećena odgovarajuća briga u saradnji sa Domom zdravlja i Pedijatrijskom klinikom KCU Sarajevo. Prema preporuci ljekara sa Pedijatrijske klinike, kao jedini vid liječenja indicira se transplantacija jetre, što je i potvrdio konzilij ljekara KCU Sarajevo 2013.godine.
- Tokom 2014. i 2015. godine konzilij ljekara je potvrdio navedeno mišljenje i obnovljena medicinska dokumentacija dostavljena je Zavodu zdravstvenog osiguranja i reosiguranja FBiH. Nakon toga su uslijedile aktivnosti na prikupljanju dokumentacije koje su rezultirale stavljanjem djeteta na listu čekanja za transplantaciju jetre. U istom periodu pokušalo se u razgovoru sa roditeljima iznaći mogućnost da roditelji pristanu na obradu kao mogući donori, međutim naišlo se na otpor i nerazumjevanje teškog zdravstvenog stanja dječaka.
- Dom je imao kontinuiranu saradnju sa resornim ministarstvom i nadležnom Službom socijalne zaštite u smislu imenovanja posebnih staratelja kao pratnje dječaku na liječenje u inostranstvo. (4 uposlenice Doma su imenovane kao posebni staratelji).
- Dana 19.02.2016.godine u Federalnom ministarstvu zdravstva podnijeli smo zahtjev za izdavanje potvrde kojom se potvrđuje da se mlđb. Dječak nalazi na federalnoj listi čekanja za transplantaciju jetre. Navedena potvrda je 23.02.2016.godine dostavljena Domu, te ista prosljeđena Zavodu zdravstvenog osiguranja i reosiguranja FBiH.





**KJU DOM ZA DJECU**  
**BEZ RODITELJSKOG STARANJA SARAJEVO**

- Na osnovu saradnje Doma sa Zavodom zdravstvenog osiguranja i reosiguranja FBiH i Ministarstvom zdravstva Republike Hrvatske, mldb. dječak je 17.05.2016.godine u pratnji medicinske sestre Doma ( poseban staratelj) hospitalizovan na KBC Zagreb – Rebro, gdje je obavio predtransplantacijske pretrage i ispunio uslove za transplantaciju jetre, te uvršten na nacionalnu listu čekanja za transplantaciju jetre u Hrvatskoj. Aktom broj 534-06-1/1-17-2 od 14.04.2017. godine Eurotransplant potvrđuje da se mldb. dječak nalazi na listi čekanja za transplantaciju jetre u R.Hrvatskoj.
- Nakon povratka dječaka u Sarajevo, Dom je imao redovne kontakte sa klinikom Rebro, u smislu dostavljanja nalaza jedanput mjesečno, kako bi se pratilo njegovo zdravstveno stanje i ispunjavali uslovi za produženje statusa za listu čekanja..
- Dopisom broj 1403/18 od 09.07.2018. godine Dom se obratio KBC Zagreb- Rebro za dostavljanje informacije o eventualnom vremenu kada bi se mogla očekivati realizacija operativnog zahvata. Odgovor je stigao 18.07.2018. godine, gdje nas informišu da su u proteklom periodu imali desetak ponuda organa, ali se ni u jednom slučaju nisu odlučili za tx. liječenje dječaka zbog predugog vremena dolaska u Zagreb ali i mišljenja da se u slučaju dječaka ne radi o hitnosti.
- Dana 04.09.2018. godine telefonskim putem od strane KBC Zagreb smo obavješteni da se mldb. dječak isti dan treba dovesti na kliniku, zbog mogućnosti transplantacije jetre. Isti dan je dječak u pratnji medicinske sestre prevezen na navedenu kliniku. Urađene su sve potrebne radnje i procedure za operativni zahvat koji je i uspješno realizovan 25.09.2018.godine.

***Dana 16.11.2018. godine dječak se vratio kući i zdravstveni problem koji je trajao godinama je zvanično i okončan sa srećnim krajem. U narednom periodu radnici Doma će intenzivno pružati potpunu brigu i pomoć dječaku koji je pobijedio u najvećoj borbi, pobijedio je bi za život.***

***Kantonalna Javna Ustanova  
"DOM ZA DJECU BEZ RODITELJSKOG STARANJA"  
Bjelave 52  
71000 Sarajevo  
Bosna i Hercegovina***

